

Landesbibliothek Oldenburg

Digitalisierung von Drucken

Phaedri Avgusti Liberti Fabvlarvm Aesopiarvm Libri V.

Phaedrus

Rintelii, MDCCXXXVIII

VD18 13044567

Fab. I. De Mustela et Muribus.

urn:nbn:de:gbv:45:1-17134

attentione maiori lusus cognoscere nostros: mirum, quantum sub illis tibi commodum, quantamque utilitatem promittere possis. Res aliquando longe se aliter habent, atque videntur: primo intuitu fallunt plurimos. Frons, oculi, vultus, quibus facillime sustinetur simulatio, saepe mentiuntur: et raro intelligunt homines, quid industria et solicitude interioribus locis occultauerit. Quod ne frustra dixisse videar: fabellam de mustela et muribus narrabo.

FAB. I.

De Mustela et Muribus.

Mustela quum annis et senecta debilis
 Mures veloces non valeret assequi:
 Inuoluit se farina, et obscuru loco
 Abiecit negligenter. Mus, escam putans,
 Assiluit, et compressus occubuit neci.
 Alter similiter, deinde periit tertius.
 Aliquot secutis, venit et retorridus,
 Qui saepe laqueos et muscipula effugerauit,
 Proculque insidias cernens hostis callidi,
 Sic valeas, inquit, vt farina es, quae iaces.

Fallit externa species saepe rerum incautos.

Mustela, cum senectute confecta musculos non posset arripere veloces, farina exterius ita se volutando oppleuit, vt tota videretur esse farina; et obscuru se abdidit loco, ac si res nullius pretii negligentius asseruata esset. Mus, reputans escam ibi se largam reperisse, laetus exultansque praeda, accedit atque mox comprehensus enecatur. Pari modo et alias corripuit erroris incautos, et esca potiri haud



difficulter potuit, quae imprudentibus esca videbatur esse ipsa. Trucidatis pluribus, tandem mus venit senior, vultu animoque perspicax, qui structas sibi saepius infidias et muscipula effugerat, quemque fecerat experientia cautum. Animaduertitus procul propiciens, tectam hostis callidi esse fraudem: et pessima, inquit, quae ad perniciem heic male sanorum iaces, si farina essem, bene precarer tibi: pereas ergo, et male perpetuo sit tibi, ut farina non es, quam astute simulas.

FAB. II.

Vulpes et Vua.

Fame coacta Vulpes alta in vinea
Vuam appetebat, summis saliens viribus:
Quam tangere ut non potuit, discedens ait:
Nondum matura est, nolo acerbam sumere.

Qui facere quae non possunt, verbis eleuant,
Adscribere hoc debebunt exemplum sibi.

Contemnitur frustra, quod appetenti negatum.

Vulpes, ad propellandam famem, veniebat in vineam altam, omniq[ue] nisu extollens aliquoties sese et subsiliens vuam, maxime sibi arridentem, appetebat. Quam cum attingere, aut prehendere non posset: discedit quidem subtristis; at, nondum, ait, satis matura est, eamque piget me absumere acerbam. Exemplum hoc illis narrandum est, qui, quod efficere nequeunt, verbis magnificis, se noluisse, testantur.

F

FAB.